

nazio arazoak / gutxiengoak

Jugoslavia

Etnia eta ekonomi arazo larriekin sortu da Kroazia «independientea»

Prozesua azkartzea erabaki zuten agintari nazionalista kroaziarrek

Kroazia independente da gaurtik, atzo horrela erabaki bait zuen Jugoslaviako errepublika honek. Esloveniaren kasuan «independentzia prozesua» azkarra izan baldin bada, are azkarragoa izan da Kroaziakoa. Esloveniak baino arazo etniko askoz ere larriagoekin, kroaziarrek egoera gehiegi ez dela aldatuko diote, urduritasunak baretzeko.

DONOSTIA

Joan zen urteko apirilaren 22an izan ziren hauteskunde demokrati-koak Kroazian, eta Franjo Tudjman-en Elkarte Demokratiko Kroaziarrek irabazi zituen erraz. Geroztik, Tudjmanek kritikak entzun dituen politika nazionalista gogorra planteatu du, eta tentsio biziak piztu zaizkio Kroazia barnean. Bertan serbiarrak nagusi diren eskualdean, Krajina-n, botere «burujabea» sortu da *de facto*, eta Tudjmanek hala-beharrez onartu behar izan du egoera hori.

Kroaziako 600.000 serbiarren erdia bizi da Krajina, Knin hiriaren inguruko eskualdean. Bertan, milizia serbiar «ilegalak» eratu dituzte, baina Kroaziak armatu dituen polizia eta miliziako erreserbistak ere «ilegalak» dira, aginte militar federalaren arabera.

Atzeritrik erdi kontrabandoz



Bandera kroaziarrekin milaka nazionalista Split hiriko manifestaldi batean.

VOJKO BASIC

ekarritako armekin hornitu ditu defentsa indar hauek Tudjmanen Gobernuak.

GOBERNUAK KONTROLATUTAKO EKONOMIA

Bestetik, Esloveniaren arazo ekonomikoak izango baditu «independentziarekin», egoera are kaskarragoan geratuko da Kroazia.

Tudjmanen programa ekonomikoa teoriarik liberala eta kapitalismoaren aldekoa da, baina enpresa ia

guztiak publikoak dira oraindik eta pott egitetik hurbil daude. Azken finean, gobernu kroaziarrek kontrol handiagoa du orain enpresen gainean, eta milaka milioiko kontratuak erabaki izan ditu bere kasa Gobernuak, adibidez milizia kroaziarrentzako armak erosteko. Tudjmanek erreibindikazio nazionalista jarri du beste ezerren aurretik. Giza eskubide eta adierazpen askatasunaren aurretik ere bai, oposizioa salatzen hasi denez.



Sei lagun hil zituen eta beste 18 zauritu Soweton, talde armatu batek tren batean sartu eta tiroka. 1991. urtea hasi zenetik milaka hildakoren zerrendari gehitu behar zaizkio heriotz hauek. Biolentzia ez da amaitu Hego Afrikan, joan zen

larunbatean Inkata, ANC eta De Klerk-en Gobernuak bake irtenbideak bilatzeko bildu baziren ere. Igandean hasi eta astelehenean amaitu ziren iskanbiletan, 23 lagun hil ziren Natal probintziako Ndoleni herrian. Aste honen hasieratik, beraz, 29 lagun hil dira.

**Txekoslovakiak
pozik ospatu zuen
SESBko Armadaren
irteera**

PRAGA

Hamabost milatik gora lagun bildu ziren Pragako Kirol Jauregian, Txekoslovakiatik Armada soviatarren irteera ospatzeko. 23 urtez egon ziren soldadu soviatarrek Txekoslovakian eta atzo Vorobiov jeneralak alde egitean amaitu zen ordura arteko okupazioa.

Ekitaldiaren amaieran tiro bota zituzten 23 kanoik, tropa soviatarrek lurralde txekoslovakiarrean egon diren urte bakoitzeko bana.

Orain bakarrik SESBk Txekoslovakiari eman beharreko dirua da okupazioa amaitzeko geratzen den azken ekintza. Indemnizazio gisa soviatarrek 166 milioi dolar eman beharko dizkio Txekoslovakiari, SESBko Armada bertan egon zenean sortu zituen kalte ekologiko eta materialak ordaintzeko.

**Poloniako
herriarengana
itzultzeko prest
dago Lech Walesa**

DONOSTIA

Lech Walesa, Poloniako lehendakaria «herriarekin itzultzeko» eta batere konfiantzarik ez dien elite poliki-koei uzteko prest dago, Andrzej Drzycimski-k, Walesaren bozeramale ofizialak egindako adierazpenen arabera.

Poloniako lehendakariak mitin bat eman zuen aurreko igandean Gdansk-en. «Herria da demokrazia, eta politikok berarekin egon behar duzue, eta arrazoiak duzuela pentsatzeari utzi behar diozue» adierazi zuen Solidarnosc taldeko buruzagiak.

“Leizaran Ibaian Aforalekua” (Gakoa: 1-RA-14/91)

1991ko Ekainaren 12ko Gipuzkoako Aldizkari Ofizialean, 110 zk.an, “LEIZARAN IBAIAN AFORALEKUA” (GAKOA: 1-RA-14/91) izeneko Proiektuaren behin behineko onarpena eman da argitara.

Iragarkian Proiektu honek hartuko dituen ondasun eta eskubideen zerrenda zehatz eta banakatua ere ageri da.

Donostia, 1991ko Ekainak 18.



Gipuzkoako Foru Aldundia

Herrilan eta Garraio Departamentua